

VENDIM
Nr.895, datë 10.11.2010

PËR MIRATIMIN E LISTËS PARAPRAKE TË PRONAVE TË PALUAJTSHME PUBLIKE, SHTETËRORE, QË TRANSFEROHEN NË PRONËSI OSE NË PËRDORIM TË KOMUNËS BËRDICË, TË QARKUT TË SHKODRËS

Në mbështetje të nenit 100 të Kushtetutës dhe të neneve 2, 3 e 17 të ligjit nr.8744, datë 22.2.2001 “Për transferimin e pronave të paluajtshme publike të shtetit në njësitë e qeverisjes vendore”, të ndryshuar, me propozimin e Ministrit të Brendshëm, Këshilli i Ministrave

VENDOSI

1. Miratimin e listës paraprake të pronave të paluajtshme publike, shtetërore, që transferohen në pronësi ose në përdorim të komunës Bërdicë, të qarkut të Shkodrës, sipas lidhjes nr.1, e cila i bashkëlidhet këtij vendimi.

Lista paraprake, sipas kërkesave të këshillit të kësaj komune është pjesë e listës së inventarit të pronave të paluajtshme publike, shtetërore, që janë brenda juridiksionit, territorial dhe administrativ, të komunës Bërdicë, të qarkut të Shkodrës, miratuar me vendimin nr.1112, datë 30.7.2008, të Këshillit të Ministrave, “Për miratimin e listës së inventarit të pronave të paluajtshme shtetërore në komunën Bërdicë, të qarkut të Shkodrës”.

2. Ngarkohen Ministria e Brendshme dhe Komuna Bërdicë, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

Komuna Bërdicë

Lidhja nr.1

Numrat rendorë të pronave në listën e inventarit	Fusha e përdorimit të pronës	Lloji i transferimit
1	Prona që përdoren për ushtrimin e funksioneve në fushën administrative	Në pronësi
2-7,134	Prona që përdoren për realizimin e programeve arsimore	Në pronësi
8-10	Prona që përdoren për realizimin e funksioneve në shëndetin publik	Në pronësi
11-24	Prona që përdoren për ushtrimin e funksioneve në fushën e bujqësisë dhe të ushqimit (toka produktive)	Në përdorim
25,62,67,68,72,73,84,93,95,99,64,89	Prona që përdoren për ushtrimin e funksioneve në fushën e bujqësisë dhe të ushqimit (kanale të treta dhe toka joproduktive)	Në pronësi
26-57	Prona që përdoren për ushtrimin e funksioneve në fushën e bujqësisë (ish-objekte bujqësore)	Në pronësi
101,102	Prona që përdoren për realizimin e funksioneve në fushën e zhvillimit ekonomik	Në pronësi
103-116,117,118-133	Infrastrukturë (sheshe, rrugë vendore, lulishte dhe shërbime publike)	Në pronësi
135	Prona që përdoren për realizimin e	Në pronësi

	programeve kulturore, historike e sportive	
136-143	Prona që përdoren në fushën e strehimit dhe të mbrojtjes civile	Në pronësi